

نكته سخيفة

ليه النكتة بقينا نشوفها حاجة سخيفة
وكل الهم اللي على كتافنا وشعبك صابر
ولا العيشة وكل ما فيها دى حاجة مخيفه
رغم الظلم بيملى حياتنا عذاب ونكابر
وما يشغلنا إلا اللقمة ناكلها شريفة
تاهت الدنيا من حواليا ماعدتش خابر
اتخن واحد كان يتمنى هدمه نظيفة
وجيبه مافيه غير كام ملطوش على كام تعريفه
وف ايامنا الخطبا كتير واهويا ما منابر
ضحكوا علينا وقالوا وحوشها بجد أليفه
وجيت ع الدنيا وزى ماجيت ومشيت وانا عابر
وعشت حياتى ف بلد النكتة (نكته سخيفه)
(بعد خمس سنوات من الثورة)